

– Oti?

– Ka mures tut, ka jas ko biav! Tu ka achyos, po pale ka aves!

Isi len duy rakle.

– Ka thoe pani, ka iztres e chen. Lenge tere ka izkere, ka uraves len.
Ako mangna te aven, ako mangna te ne aven – ma anle!

– Mishto be, dyado pope!

Ushtine, gele ko biyav. Ov achyola. Ekh kazani pani taterela. Dela
raklyan, ingerdyas lenge tere, tuzhardyas len, thovdyas len ko krivatos
soven. Ushtino, gelo. O rashay:

– Ama, andyan e chhaven?

– Nakamna, sonna!

– E, but shukar! Neka soon, ayde!

Beshto halyas, pias. O rashay dela les zori:

– Ayde, be! Ayde! Ikal te bashales!

– E, ma sigyar, de! Ka bashalav!

Ikaldyas i duruli. Kam cheteri-pet chasa kerela..., bashaldyas. Vsichko
khella: e zumya, o kazani, e kermides..., sichko. Phure dasnya, o got
vachkes, li on khenla andre. Khelde, khelde – do cheteri-pet chasa
Saprindyas.

O rashay:

– E, sine! But bashalesa!

E dasnya chudinena pes sar sichko khelela. Ushtine.

– Ayde, sine! Ay te jas amenge! Ushtine, gele peske. I o rashay:

– A be, bozhi sine, kay si e chhave?

– Nanay – phena – te shuzherav len, te izsoav len. Ama dedo pope!
Holyantsa li akana? Li pazarindyam, che ho ...?

– A be, na holyanav be, bozhi sine, ama nola si keres kea!

– Ami tu phendyan mange be, rashaya. Tu phendyan mange te
shuzharav len, te izsoavlen!

– E, mishto!

Lel o rashay pe chhaven, parondyas len. Pashlile te soven, a ov soola
otar. Hay...:

– Popadike, Iya mi kikya ka chhinel, ami an te nashas. Kereyan o
mohto e drehes i te nashas!

Ov akana shunla. Kay shunla, chhel pes ande o mohto. Del ando
mohto odova, i popadika, thool o dripes, kay urena pes, thool odeala,
okova. O rashay thol pe phikeste. Nashna. Geli zhi karig geli, zhi ekh
lenyate. Veche ratilo.

– Popadike!